

Publication/Creation

July 1953

Persistent URL

<https://wellcomecollection.org/works/zh5wjfjy>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

confirmante, sequentibus signis: Isto autem Evangelio recensito, recitatur alterum Ioannis primo, In principio erat verbum, & verbum erat apud Deum, & Deus erat verbum, hoc erat in principio apud Deum, omnia per ipsum facta sunt, & sine ipso factum est nihil quod factum est. In ipso erat vita, & vita erat lux hominum; & lux in tenebris lucet; & tenebræ eam non comprehenderunt: fuit homo missus a Deo, cui nomen erat Iohannes, hic venit in testimonium, ut testimonium perhiberet de lumine, ut omnes crederent per illum, non erat ille lux, sed ut testimonium perhiberet de lumine: Erat lux vera, quæ illuminat omnem hominem venientem in hunc mundum. Ad quæ verba affurgit MAIESTAS regia, & singulis rursus aduocatis & reductis, acceptoque aureo numo solidorum decem, perforato, actæna reuincto numismate, crucis signi, qua parte morbus est facit, itaque singulis fausta ac felicia precando ac benedicendo, iussisq; ut aliquantulum secedant, reliqua pars scripturæ paulò prius recitatæ absoluitur, in mundo erat, & mundus eum non cognouit, in propria venit, & sui eum non receperunt, quotquot autem receperunt eum, dedit illis potestatem filios Dei fieri, his qui credunt in nomine eius qui non sunt ex sanguinibus, neque ex voluntate carnis, neque ex voluntate viri, sed ex Deo nati sunt: Et verbum caro factum est, & habitauit in nobis, & vidimus gloriam eius, gloriam quasi vni geniti a patre, plenum gratiæ & veritatis: quibus finitis MAIESTAS regia cum toto cætu ecclesiæ humiliter

humiliter inclinata in genua, sic orat, Kyrie eleyson, Christe eleyson, Pater noster &c. M. Saluos Domine fac famulos tuos: R. qui sperant in te. M. Mitte auxilium illis de alto: R. & in omni tempore potenter eos defende. M. adiuua nos Deus salutaris noster. R. & propter gloriam nominis libera nos, propitius esto nobis peccatoribus propter nomen tuum. M. Domine exaudi preces nostras. R. Et clamor noster ad te veniat. Illis communibus precibus absolutis sequitur specialis quædam precatio, quæ in Liturgia quotidiana non inuenitur, apprimis tamen necessaria est. Omnipotens Deus, Aeterna salus omnium in te sperantium exaudi nos, te precamur nomine famulorum tuorum hic presentium, pro quibus misericors auxilium tuum imploramus, ut salute accepta tibi gratias agant in sancta ecclesia tua per Iesum Christum Dominum nostrum Amen. Qua oratione deuotè & piè dicta vsitata formula clauduntur preces; itaq; singuli discedunt, & Deo agentes gratias, et principi, et sibi de mutua sanitate congratulantes. Quid est quæso reprehensione dignum, vel quid non summa laude dignum in tota actione istiusmodi sanationis? Liturgia tota sancta est, ceremoniarum simplicitas, & castimonia laudanda est, persona quæ operatur sacrosancta est, superstitio nulla est, magia longissimè abest, cacozelia, adiuratio, Author totius actionis spiritus sanctus est, Donum sanandi a spiritu est, & doni vltus, & fructus siue effectus a spiritu sancto est.